

小木子詩三刻

壺山自吟藁附錄

秀水 朱休度 介裴

余既以昨歲九月去縣後迄歲終諸詩概入壺山吟藁為三卷其前有作已無意收拾今年秋兒輩檢出鈔存舊藁一帙閱之惟辛丑一年之詩具在餘甚寥寥益散去多矣雖不成編亦不欲竟棄也因畧加刪次俾工率連刻於後老矣食益少思力益短自悔舊作多疎未能一一改就繩尺所不嫌於心耳丁巳冬十一月病中記

搖櫓詞

櫓子櫓兮爾莫搖伊伊軋軋使我聞之中心跳舟師搖櫓載郎去地角天涯知何處人言海無邊江無底破帆壞槳不可知惡風白浪驚人死又云蘇州二月莢李春揚州三月煙花

新揚州蘇州水邊多麗人撒錢如土情如水漂流幾輩人家
子櫓搖郎去妾獨眠去時櫓聲在枕邊屋山鵲叫燈結蕊晝
卜夜卜年復年春風津柳花飄雪津往津來舟不絕幾時搖
櫓載郎歸飲舟師酒敲櫓折

雙輪曲

知君之去子雙輪日轉千萬徧望君之來子腸轉如輪君不
見

唐方元英遺硯歌為津門查二善和賦

有石有石光離離云是桐廬處士之所遺綴之鏤銘與署款
傳之世守無纖疑厥角礪礪綴錢四審視均作五銖字歲深
銅汁融土花染出天然文采異入手耀寒芒編爛文墨塲繡
如青鐵色純如黝漆光濃如老苔暈深碧淺如嫩穉抽新篁

疑經媧皇鍊五色淋漓元氣周中旁嗚呼李唐之季遭多難
才人潦倒江東亂補唇有術何補時智隱身名真扼腕殘蟬
孤鶴白雲原此硯空携弄吟翰當時知己姚秘監筆札往還
定賞玩何年埋玉入泥沙積氣鍊金成冶鍛知有神明呵護
力復出人寰置几案查君好古儲藏多獲之一日三摩挲花
青蕉白都無色龍尾馬肝莫或過范喬况克承先志好添二
十四硯齋中羅尊甫漁塘先生齋名吾家舊弄米山等璫璵雲烟過眼安
有諸作詩寄君增款歔鎡金匣貯重千緞慎毋輕出洗潺湲
恐洩精靈驚鬼怪雷霆遁入斧柯山

過廢園觀荷

梁虛窺畫無來燕柳折懸風有蛺蝶猶賺閒人來賞夏亂紅
開賸滿池蓮

集逋翁句為顧客題聽泉圖

何地避春愁。有山堪結屋。青嶂青谿。直復斜野人。愛向山中宿。山連極浦。鳥飛盡。世人那得知。幽徑盡作一障。張牀頭。呂梁之水挂飛流。宜遠聽。宜近聽。忽如空中有物。物中有聲。穀清泠泠。鳴索索。回雪從風暗。暗有情。

戊寅秋余卧病里門里翁有喪其孫而悼不已者索余為哀辭集楚詞語一篇慰焉

竊悲夫蕙華之曾敷子懷琬琰之華英日月忽其不淹子美夫賴而卷榮以春風以披離子形銷鑠而瘵傷心閔憐之慘悽子霑余襟之浪浪仰明月而太息子惟昭質其猶未虧余以蘭為可恃子聊假日以須時何芳草之早天子泊莽莽與蹙草同死隱思君子徘徊氣於是而不可止豈其有它故乎

將天命之不可求路曼曼其修遠予製長夜之悠悠與前世而皆然予焉託藥而上浮春秋連連而日高予遂悶歎而無名願寄言於浮雲子與太初而為鄰

題白下闌上人南窓集

西竺僧先返南窓我到遲雪鴻空有迹春繭獨抽絲一覽詩

終卷三更月在枝烟消鐘磬斷想見苦吟時

余以己卯八月二日抵承恩寺寓上人先以期

日示寂故首聯云云烟消五字上人句也

鹽城縣題宋陸右丞祠

生東海死南海海水有時乾丞相英靈終古在一角崖山天地間滄桑陵谷幾更改吁嗟乎父子不見生馬角君臣長共葬魚腹黃雲布國盡銷沉白髮西臺徒慟哭海雨颯颯海風涼我來荒祠酌酒傷千秋海上事孰詳莫問廬陵鄧侍郎

殷比干墓

武王封孔子志志曰殷春秋義宣聖之蹟宣和題古石一方
立天地彼小儒者較求點畫實以鍾繇梁鵠何多事嗚呼比
干諫而死死不稱忠稱勇稱義稱以仁而止嗚呼可以知仁
矣育泉兄云古實
似昌黎琴操

夜半謁老子廟於古函谷關

夜黑山深一鞠躬那瞻紫氣滿林風祇應配食關前尹難索
解人河上公野語漫傳白衣老谷神曾養紫微宮猶龍果否
傳龍種贏得三唐廟號崇

春日歸舟集唐

曉風芳草竟芊綿畫出清明二月天行盡江南數千里一村
桑柘一邨煙

冬夜濟寧客舍偶成

流光擲如梭閒身飄似葉乍此休役車裘回南池月寒吹警
輦禽霜清山削骨冷候異鄉邦渺懷眷夙昔三過瞥十年春
秋負佳節余自丙子歲未及今
乙酉蓋三至任城矣鐸暗一青燈夢達雙白髮默然慚故
吾酒醒思兀兀

寶刀引為蕭縣張君賦

秋屋夜半吹陰風掣雷閃電光熊熊飢寒生粟背生刺玉龍
三尺懸空中當年張公氣蓋世提刀轉戰摧羣雄迅掃妖氛
東海東順風揚駕千艘幢張公怒髮張雙瞳人命賤於花蠟
螻殺人如草非得已霜威颼颼擊開薈薈天清地寧素矢弓昇
平久矣韜爾鋒百年風雨鳴出匣至今腥惡聞翁翁懦夫掩
鼻不敢嗅又况前驅決脰披肝胃大食刀春坊劍不如此物

精氣騰長虹曾向滄溟血深染與人一心成大功公孫寶之
球貝同索我作歌出示我雪花新淬鉞生首以手屈之圓作
鏡鏗然挺響鳴青銅酒酣耳熱摩挲起明鐙豔艷月溶溶安
得壯士奮臂迴環舞秋水飛潑耀綸紅

在平縣馮周墓叢古

可歎新豐送旅人一官早擲走風塵逢秋鵬翮青雲上得志
鳶有火色伸縣令那能知國士英君始識待良臣漢廷終棄
長沙策不及凌煙閣畫新

股肱之寄必待忠
良昭陵賜周詔也

秋憶四首戲為友人作

旗亭曾聽唱涼州每到花時憶莫愁一夜春風同繡被十年
舊夢隔青樓

撥盡琵琶曉漏寒如花別後隔雲端使君重到郵亭夜魂斷

當年秦若蘭

秋香零落動人憐
缺月無由得再圓
未減風情柳外已
成薄倖杜樊川

漫說章臺窈窕娘
柳枝未比桂枝香
芳菲折盡它人手
那教韓郎不斷腸

春游西湖曲 己丑作

山圍水養寬
復寬多少樓臺畫
中畫春風開處
春雲亂春來
頓覺湖山隘
蜂逐繁花蝶逐
風衣香人影何
匆匆濃抹相邀
澹妝出周三十
里城為空而我
不到十七載醉
吟夢想西子
態趁入煙霞
錦繡堆舊山拭
眼青仍在滿鏡
通紅照綺羅衆
鬢皆響沸笙歌
雲帆畫舫踟躇
轉快馬輕鞭歷
碌過韶光一片
茫如海誰遣義
和駐景待桃花
醉人人未蘇鐘
落南屏聽

生駭裏湖外湖學魚穿上山下山隨螺旋窮日之力愁日短
天上歸來山起煙

安吉學舍初夏偶成

春隨水逝漫生嗟碧樹扶疎晝景賒簾幕新晴花蹴燕池塘
宿雨草喧蛙閒行檢點穿籬笋偶睡消除滿盞茶欹枕山齋
如太古溫風也到冷官家

落花四首次張丈韻時張挂職寓居

莫抱香魂上訴天繁華過眼懔凄然芳心早向蜂房割剝粉
惟將燕壘填幽徑雨深苔上壁晴原日暮艸封煙也知不是
堅牢物未免春風怨棄捐

一番造次一番風聽入無聲細雨中水不還流偏滾滾人當
垂老更匆匆綠雲易散浮光短紅燭成灰澣淚空閒煞林居

張仲蔚園門竟日掩蒿蓬

春來病共酒缸深無復榮華夢上林猶愛因風吹座內獨難
迴月照牆陰看泥沾絮思禪理知色成空悟梵心却怕黃陵
廟裏去鷓鴣啼處不堪尋

憐渠入土色猶新淪落相逢各惱春細雨黃昏簷有鬼遊絲
白日院無人飄殘南浦餘青草吹向西家散玉塵來歲不愁
不爛漫須知更老客中身

古意二首

自君之出矣小女共我長昔去未出腹今來已嫁郎
一月三十日二十九夜缺算來團圓少百年能幾月
不能飲歎

維古私燕名曰醢能飲飲之不能已勿苛求人人易從先王

設法類如此譬猶強弱不同科射不主皮本之禮觴政雖寬
恕醒人醒人頭低心獨恥天生酒星地酒泉清號曰聖濁賢
擬銷萬古愁合千歡女智創物良有以衛武悔過悔其醉夏
禹惡酒惡其旨百觚不亂多益善五齊不同苦斯美况我輩
非禮法拘脫畧公卿本狂士舞席僊僊態便佳倒枕鼾鼾夢
尤弭縱為酒困何傷乎不逮聖賢正多矣持齋周澤尚如泥
荷鋤劉伶那便死高士封作醉鄉侯王孫眠到長安市孟公
投轄勸肯休文舉開樽豪莫比彼皆快哉我何有誰為限之
天所使闊浮提王主祿籍毋乃予奪由憎喜吝我富貴嗇我
才畀區區者猶靳是或吸一石呼五斗或十斛聞千鍾累我
三蕉葉頽頽宜遭大戶白眼視明月見笑花見羞枉對良
辰空杯匹焦枯皮色乾似薑磊塊胸中結成痞霜天破帽晨

犯寒風雨孤衾夜澆水不能飲苦只自知客嘲難解恥難洒
誓將毀餽復舖糟學卧甕人捉不起酒腸日沃定日寬當如
為學進勿止無錢拚典青羊裘歸告細君君曰唯

湘湖曲

湘湖烟景似西湖終日浮家在畫圖況有蓴絲好多種不隨
秋稻入官租

庚寅春日逢李南澗於西湖即送之官南粵

髯也仙才真絕倫別來消息幾冬春誰知東海停雲遠忽向
西湖藉草新百里弦歌未踈濶千秋述作獨艱辛嶺南桃李
今猶盛憑仗重扶大雅輪

實性寺訪淨修上人

勞人不耐逸無事獨尋勝訪僧叩精廬禮佛打清磬丈室即

不寬花石頗幽靚老菊媚黃輕踈筠交綠淨修公此間住踪
跡深自僻拜經逾十年鶯花不驚定問僧何能爾心清體後
令風旛本非動動者心之病入夢豈知覺入醉豈知醒蘇侯修切
語令我悔恍然見真性秋山自逶迤秋水自明瑩何當棄儒
官細將禪理證

葉芝谷齋頭看菊二首

踏破幽人三徑苔一籬秋色倚風裁不曾狼藉稻花雨耐可
商量竹葉杯

豈知世上有繁華空谷宜開隱逸花歲晚相看人意澹天寒
生怕夕陽斜

夜雨次韻

多病春懷槁似灰雨聲偏逼枕函來吹簷不住丁東鐸鳴瓦

幾番歷碌雷料得小園籬長筍所愁破屋礎生苔冷官明日
無人事拚卧蓬扉堅不開

雨後葉芝谷邀同人明心寺小飲

曉戀開積陰春野含餘潤出郭蠲塵懷尋山副夙願幸補老
天漏適取故人信衝泥無倦容觀水有逸韻懸崖噴潺潺淺
瀨注粼粼林叫孤鵲來草喧亂蛙赴寺隱山腹幽鐘傳馬頭
近遮門蘿竹合背閣雲煙襯久坐雜花落劇談交觴進輕暉
照窻戶空翠染衣髻攬勝情所愜憫農心獨愁雨深麥穗稀
春寒桑葉嫩及今轉晴和庶後免饑饉身閒多病纏家貧微
祿徇浮生已無聞榮名安可問偶乘佳會歡聊寫羈踪悶芳
菲知待人默念流光迅

溪夜

夜靜煙俱微溪寒月更融碧分遙岸草紅韉隔江楓官已先
秋冷心還照水空一尊移擢去兩面盡屏風

白菊

衆艷都消歇秋籬靜意存微霜難着迹寒月與招魂品壓金
無色固嫌粉有痕真堪素心賞晨夕伴南村

述嬾

軟蠶昂不起羸特倦難支楊柳眠依檻薔薇卧貼籬癡奴春
夢裏醉妓欠伸時物態紛如彼余情信有之年增豪氣減病
久壯懷疲夜枕晨猶戀朝餐午始炊雙扉冬雪擁一榻夏陰
移坐教蠶痕破行從帽影欹衫蒸蟻蠶滿袍染酒漿滋階下
煩扶僕門前起送醫却憐髀去肉空驚髻添絲亂葉堆書帙
浮塵積硯池任封荒草徑宜掃落花墀剝啄無人到揶揄有

鬼窺何心求避俗所患適為師境僻偷安慣官閒送老宜憂
貧姑聽婦失學亦隨兒得馬原非喜亡羊底用追此身甘朽
棄并悔苦吟詩

晚菰次韵

貧家生計分齏鹽看漉青泥曬滿簷雪色千層披甲白霜華
幾夜透根甜但教稚子齧能慣要問傭夫買更添冬甕春盤
差可續濁醪簾飯耐須兼

詠黃葉

士辰初冬作是
歲不赴春官

野畦照日荒荒遠村店橫烟薄薄遮已過登高無菊影忽疑
入夢見槐花天寒顏色知誰愛歲暮飄零敢自嗟祇有青山
同寂寞尚嫌紅葉近繁華

臨安懷古

鷓鴣聲啼破舊江山
辛苦車塵抱器遷
趙寶雲孫仍半壁秦
謠水市應千年誰教燕騎更番出
却把杭州一曲傳
終遣朝元鸚鵡去
聽過戰鼓下湖船

讀樊榭山房集

偏是文章憎命達
祇應詞賦與名存
杭州山水揚州月
贏得工夫細討論

追題明湖修禊圖為故同年程君令嗣作

會稽內史自寫叙
逖陸東之始寫詩
典午以來無畫本
宋龍眠叟乃補之
亦有天台劉仁本
續蘭亭會前事
師四十二人劇歡
賞補詩繪圖鏤之
碑至正庚子配永
和秘圖峯蹟於今
垂未若武林修禊
舉別開生趣尤稱
奇濯西湖水流以
觴集南華字綴作
辭

卷中詩並集註字為之

六橋兩峯快吟眺
差勝列坐曲水湄

一一騷壇闢新句無不成篇免罰危翰林寫詩釋子盡

孫翰林
釋明中

並會中人裝褫聯美如墳荒王謝煙霞古未散宋元風雅近可追

昔所曾有今皆有使人披卷徘徊思吁嗟乎人生盛場可齊
視此理漆園深得知得逍遙處且逍遙羣公達視其庶幾此
圖此詩詎妄作宜乎安定嗣子珍傳貽追題一篇已陳迹聊
併攬者感於斯

羅晴江云借陳序語作
結感程過近詞婉而傷

有以雜畫六幅屬題者各予一首

墨龍

一陣顛鷄風城摧黑雲壓飛電大於拳砮剗卷萬甲奔龍一
怒乃如此筆底雨聲聽雲雲

寫意江景

烟濶江吞天江渺煙沒樹一葉浮碧空記出瓜洲渡

匹馬

韓幹畫馬十四匹最後一匹馬中龍不嘶不動尾搖風幹畫
亡矣坡詩存讀畫馬詩見真馬一笑披圖今亦頗

着色山樹

髣髴錢塘湖上峯春紅秋翠四時濃
那教添繪半湖水界畫樓臺更幾重

乘槎圖

禹跡豈不遠導河自積石多事博望侯
乃向崑崙索河患在中原瀾翻受其厄
遠窮人敢腦昌濟治河策猶歸勝徐市
三山沉海舶適足供畫師點圖聊戲劇

孤松

翠濤上中下盤黃海三十六峯一本何山移得
攬天矯立蒼

龍

熱甚過三潭水榭借老僧苾草席裸卧於地水風荷氣
翕鼻如醉覺而有作

選得追涼地湖南水榭偏遠山浮枕角輕夢到鷗邊柳外飄
村笛荷陰閣釣船忘機自忘暑覺坐意悠然

湖上載雨晚歸

雨氣陰連夜氣生濛濛柳帶六橋橫峯遮靜女垂簾影櫓送
飛鴻過野聲樓閣藏來幾層疊烟波妙在不分明背馱紅日
吹彈去多少默儂早進城

菊影四首和人作

三徑寒光一籬盡花神夜出欲徘徊芭蕉葉外幽移壁蟋蟀
聲中冷憇苔月下

碧澄倒插波心朵金散微吹枝上漚楓落吳江分汝冷櫓搖
巫峽背人秋水中

寒花窺相如人瘦晚節和光也自圓却怕少年脂粉態玉臺
一倒鬥姸妍鏡中

纔逗花陰一點青滿齋秋色瘦瓏璫澹於墨潘橫披畫
集梢有霜魂背出屏燈下

古藤次韻

不花不葉老崆峒駕樹撐雲絡石砭歲月精靈天所與蛟龍
性格孰能降鮮花繡骨堅而瘦雞樣蟠根怪且龐碧眼仙翁
愁掣去長虹一道化滄江

湖上歸看紅葉作

誰把霜天渲染成水枯烟澹艷彌清千山春色崢嶸在一樹

斜陽歷亂明替裁破顏紅可借對伊搔首白無情西風方便
休吹了留取光華照酒觥

癸巳至日雪張純初用東坡聚星堂韻索和

今年園亭遲落葉冬暖暖過大小雪一陽戰陰陰作氣半夜
飛花寒陡絕早開虛閣眼晃搖待掃盡階手僵折林梢聽疑
翠禽死檻平望訝青峯滅筍鞭深壓圃愁挑松鬣橫撐牆自
掣豪門懽呼蟻尊門貧子局縮鷄衣纈人間苦樂物寧齊世
上炎涼態何屑有客敏思走七言退古險韻剛一瞥才非小
謝敢揣稱律設大蘇難浪說反又羔袖仰屋吟冰簪冷挂過
簷鐵

次日復雪黃稚圭用前韵索再和

昨夜癡吟門詩葉瘦肌生粟酸涕雪天與詩人助幽興朝來

飄舞仍不絕閃空驚接草屣墮堆高愁壓茅檐折千盃驛路
曉應迷萬室炊煙午欲滅回戰俄息歛氣嚴微陽慘露浮光
掣聲確照山石湧濤惺忪綴樹冰生顙誰移龍門美酒杯更
鋪武昌細木屑空摹硬句牛力挽懼負清光駒影瞥烹茶且
繙陸羽經烙餅還續吳均說再接再厲搜索艱墨乾硯凍可
生鐵

丙申二月十九日出杭城由虎跑泉登六和塔循江干
進雲栖取道理安寺歸順尋石屋水樂洞諸勝得六
十韵

曉出鳳山門細霧蒙如紗雲腳漏旭光漸噪春林鴉祖塢僧
嘗水僧離勤捧茶泉移南嶽遠味較中冷嘉舊事怪且神野
老傳相誇詩題蘇玉局銘勒宋金華匆匆讀一過步轉松徑

斜攀塔六和近眺江三折賒塔高輪迥盪江平鏡新磨漁舟
散點點輕若泛鳬駕四十二車經分書各名家粉牆樨翠墨
宋刻完無瑕睇遠意何極探勝情益著水濱蟻引隊石岸蜂
鬻窠行行數里餘北折村路又截過棲賢寺夾道編籬芭籬
外一無見見綠天高遮修篁不知數多於恒河沙古樹不知
年出世同釋迦勃發山氣肥潔除人力加迤級高漸引深叢
幽轉呀欲前後且顧乍頻仰復嗟如是又數里屋角露髻丫
梵唄隱清響毋乃雲栖耶蓮師此開設精行通三車至今規
條字滿山徒衆多或撞鐘擊鼓或樵谷耕畬或轉移於室或
負戴於塗人各專一事莫或惰而汙儼善宣聖門因材列四
科又如鄧相子執業各生涯寺不飾金碧殿不增巍巍山坡
放生所餵飼任寢毗牛宮與羊圈豚欄及雞筴善男女所捨

不殺不鞭撻人畜均受養平等信無差別途出螺峯復得林
泉窩寺藏山之腋山曲路盤蛇到門樹合杳登閣峰谿訝紅
茶一株艷火齊迸丹砂高不滿丈餘萬朵花駢羅頃從虎跑
見二美交珊柯那得寫生手點筆一摩挲大慈理安各有山茶
巨木望見花不見葉我游
樂忘倦僕言蹟相訶夕曛漸沉落餘興猶騰挐水樂洞口黑
石別屋底窪餅筵耳傾聽苦辭手細摩咄哉半閒堂賓客半
朝駢題名紀咸淳千載涎吐蝸石屋有賣似道
領客某某題名語僕且莫怨我言
不汝訛今日普門誕湖外人奔波六橋笙歌沸三竺燈火譁
何如向裏山避喧尋薜蘿疎疎映山紅旖風動翻翻花不似桃
李堤蹂藉紛如麻兩三采茶女携筐手摘芽不似綺羅隊惡
少蠅集瓜孤賞足怡悅暢辰未蹉跎呼燈一覓紙題詩肆滂
葩題罷翻身睡身翻入雲霞

曹州試院八月榴花盛放和錢公子作

灼灼珊瑚海上枝，無端離夏故開遲。
看他細柳新蒲伴，燒過關風伏雨時。
點綴秋容未遲暮，破除人悶得新詩。
空庭客去誰憐惜，露冷蛩吟好自持。

重過兗州有感

余總角時受知安漢李惠國先生，丙子丁丑間先
生守兗，苗余讀書官舍，屈指今丙申二十有年矣。

銜感茫茫久益衰，春風五馬記曾陪。
古之遺愛誰其嗣，客竟何成此又來。
萬里海山雙淚缺，半生杯炙寸心灰。
不知夾道青青柳，怎度秋霜二十四。

讀梓廬重過兗州有感作次韵

錢世錫百泉

九原不作絕堪哀，世路悠悠泛泛陪。
可奈船脣鞍背倦，彌思王翰李邕來。
偏多虞阪真憐驥，豈少桐材竟作灰。
况復年華如逝水，滔滔東去肯重回。

陪錢學使擇石先生暨公子百泉陳梅軒兩孝廉同登

泰山聊短述七絕句

上山里四十中垂十四里坐鎮不言高天下自小耳
山脈出乎震山色未了青自有日月觀日月不曾停
不見海之寬不見野之曠一派紫烟中邱垤成波浪
南海奉大士東海奉元君千劫善男女膜拜各頂焚
玉皇閣之院石簇如花乳以手摩挲三此是最高許
渺渺吳江練指點若為關却下南天門徂徠低於檻
其日十月交暖旭如春明道士言往歲此時風雪橫

春歸舟次作

路入江鄉野趣饒一川新碧釀春醪牛毛雨細蓑衣重鴨嘴
船輕櫓唱高漠漠生雲山戴帽青青依岸草連袍此時北地

乾風起眯眼飛沙聒耳濤

續孤兒行為汪進士輝祖賦

孤兒苦孤兒十歲喪父纔知名與數兒今成進士不見父者
三十六年所孤兒苦招魂南海海水有時乾兒恨何時補解一
孤兒苦孤兒不苦兒有兩母昔之兒負薪行汲水今之兒飢
母哺寒母翼兒何苦之有畫出塾夜歸覆讀書之書篝燈熒
熒兩母俱或舍而嬉欲答不答淚應聲落如走珠思古之人
捫足而號其痛又何如解二蜂蠆之毒母則處之荼蓼之甘母
則茹之嗟兒懵懵其何知解三兒舉於鄉念我出腹之母不在
堂兒出身於殿廷我嫡母之訃又驟至乎我旁母子母子上
有高高者天下有沉沉之淵孤兒哭行人願解四蕭山縣東門
外四十里有大義村村中雙節坊白石如礬大書特書姓氏

不刊慈烏提提羣飛千百集於斯村之人黃髮童齒來觀齋
咨吁嗟母子其知之解五

丁酉冬送黃稚圭謁選

被路驚兒酒衝波鴨嘴船送君方遠道後會却何年交久情
難割天寒景易偏始徵叅校共入薦姓名連自笑辭毛檄非
關讓祖鞭烏私憐宛轉覓舉看踴躍節操承家在聲華注考
先相違叨臭味倘念問沉系時余鳳子能詩句并煩和短篇

戊戌秋送邵二雲太史入都四首

書滿船艙月滿川秋行如畫望如仙乘風興去扶搖上游翮
蓬萊尺五天

先生經義析紛紜離討遺文補綴勤郎璞後身有楊子趙岐
今日折朱雲太史著有爾雅正義及孟子說

寫來影子有王儼柯氏新編體未定東馬南孤誰有筆千秋

述作待君成

太史將有事
重輯宋史

昨秋夜夜傾濁醪煨芋剥栗持蟹螯此會匆匆後會渺送行
跼阿心煎膏

乙亥夏重過古招賢寺老僧出奚鐵生為伊作寒林流

懋圖屬題二首

門臨寒碧徑通幽三十年前記舊遊倚檻青荷猶似鏡照人
白髮已盈頭

寒林看盡烟雲態老衲坐忘現在身不是鐵君誰畫得閒中
滋味定中神

辛丑元旦口號二首

莫笑辭官守硯田老親減病復增年今朝元旦晴光好且喫

糖湯滴粉圓

婦無嫁物我無田舉案今朝共百年一笑呼兒將酒飲傳家
留得瓦盆圓

正月八日種梅招同秋塋小飲叙話用東坡送曹子方
韻

曹子水東住春波橋名約門瀾偈仄守市巷吟唔老儒冠勤鈔
手腕脫苦讀舌本乾彈琴風起谷落筆水下灘於我夙臭味
與俗殊醎酸快晴逢穀日佳約赴韭盤舊踪嗟何闊新歡暫
以安執壺斟雖淺三人皆不善飲呼燭話未闌君腹富有書我身輕無
官道費用所長術忌趨所難寧甘驥伏櫪詎厭鮎上竿既醉
一短謠相期保歲寒

上元前一日同人集秋塋齋以金壽門徵士詩贈尊甫穀

原先生梅花燈為題各賦燈詞七首

日昨巡檐未破胎光明忽現數枝來
冬心舊筆生春色疑是相思一夜開

二十六郎蘇伐羅自題自盡廿年過
今宵簾外溶溶色未讓

揚州明月多

畫款稱蘇伐羅又稱二十六郎乃與辰年徵士與尊甫同寓揚州時作也宋閩秀詩有不知簾外溶溶月上到梅花第幾枝之句

堆繒感繡嵌玻璃五色流蘇八角垂爭比橫斜幾枝墨清光疎影照深卮

君家短簿得君仍官職聲名也足稱
笑道詩才能敏妙丁辛

老屋有傳燈

秋隱近考授縣簿

春節番番總異鄉
幾持故里故人觴
燈明照見繁花插
繁似愁人兩鬢霜

曹子清臞骨有僂

種梅

蔣生口吃腹便便

春雨

踏歌聯臂當時伴

相對燈花非少年

大令書藁不可見元章畫帳人寶之如此妙繪裝褙得便寫

燈詞作跋宜

曾見王元章畫梅花布帳二幅樣一潤軸甚精秋勝將燈幅裝無故云

上元日同人集小軒適春雨携觀姜西溟先生手書上

元讌集詩長卷即用其韻

新年洽舊雨宿酒餘晨酣陋茲巷小小愧彼府潭潭遵路念
執祛治具重盍簪薄有配瑣細雜果羅酸甘驚接陳遵坐劇
愛康駢譚牽臂柳貫魚隨肩新附駢偕來坐草榻流覽抽書
龕商量新義獲鑒別古情譜煎韭餅乍烙烹茶湯細燐粗擬
蔬筍約詎真麴藥耽少年憶徵逐中歲間北南千里腸迴九
一日秋隔三出門徒勞頓閉戶得討探斐述紛足羨漫游默
自慙頽齒棄短檠枵腹類空壘閣枕目鰈鰈窺鏡髮髮鬢行

迷覺已遠知非憂如快游筆近稍綴緒言幽是得空齏持彭

蠡專車謝洪舫自怡聊復爾持贈其何堪

是日出維艤拙素相質

裁技齊門

瑟君術燕人函佳境終啖蕪榮名佇傳柑

曹將均以宿學屢躋場屋

羽豐展秋

鶚筆快抽春蠶勵志老湏壯謀歡暫彌貪燭斜轉北斗鐘動

浮東藍

舍創有金銘寺范成大詩東藍午齋動

近游期並擢後會仍開甌

與種梅春雨約作東湖之游

二月二日同人再集小軒追和曹倦圃先生金銘寺四

詠

携李亭

倚寺乍誅茆迎門新嫁李暇日讀春秋徘徊古亭子

范蠡湖

之陶為朱公曾冒吾家姓願充香火僧日守碧湖淨

天對室

久化靈墟蹟偏留禪室名天台何路去欲問古先生

一擊軒

一擊幾百年寺僧莫知處裁軒初種竹早晚成陰底

春雨屬題小軸

宜山梅谿作和者項東井雙律寫短箋詩思如梅冷一畫名
曰簡老梅立孤梗當是簡梅下曳杖人乃是宜山影別有鄧尉圖

修廣畧相等吳門顧諤筆興高無畦町顧又自題詩題似宜
山省三紙裝一軸裝自蔣生并吟之復跋之託意何清迥香
菴春草荒生壙寒蛭哽覩此零星墨令我心耿耿拂拭念前
修俗子其誰有

種桐

詒安堂前商種樹松桂榆槐類難長那能朝種暮成陰趁我

生前一瞻仰計惟梧桐肌理疎發榦抽條易騰上呼花兒匠
擇高本種出透簷東西兩新枝踰歲果起擡翠葉滴雨便流
響堂何人築何年始里老茫昧失稽曩栢栢礎楹製近古雖
無華飾頗深廣我購之胡榜書陸聊取吉語名仍往治安堂舊
榜陸東村
先人書先人散廬故多梓我實自號非寄想桐梓貴皆琴瑟材
櫟棘賤寧丈夫養我今對桐如對梓夢裏碧雲雙滉瀡桐子
速大陰速稠蔭我暑堂滿張幌安排石几鋪竹簟脫襪涼陰
坐搔癢

答客問詩

剡川書院作

生心而起如其面此事分明不易窺見果知因通妙解積多
成少忌常師巧餘力外誰能與意盡言中未是詩書卷仍教
捨筏了性情詎似刻舟為

偶舉異文同義數百條示塾童系以詩

六體流傳別諸家載籍繁堪咄呼杖杜莫漫改金根見少休
多怪知新就故溫讀書慎難字杜老有遺言

題東野集聊解前人小魚蠹蠹之嘲

霜清輾山骨水清鑑石髮夜蟲晝不鳴冬花春不榮徑險無
坦步絃急無緩聲冰心豈發熱薑性豈作甘有窮如孟郊其
詩固應寒器量生是隘遭逢復抑之勁根迸石罅那有穠華
姿格幽敵韓豪詞警異僧瘦俗腸塞羶肥爭逐海畔臭苦藥
美於回瘼疾藉以救雖非萬里流沛然決江河掬露以盥手
所珍不在多

題高續古剡錄

說友賈之客似孫虎也子不以人廢言筆札並可喜昔披咸

淳志博洽賅終始

謂潛所纂
臨安志

近乃鈔刻錄頗亦簡有理漢刻

於唐置縣治久矣兩火名奚惡四山地洵美

字書

一問艤雪

亭今古風流侈王謝及孫阮二戴之所願秀異不忘杜清妙

亦稱李豈可無述焉錄子具源委掌故書有稽蟲魚詞非詭

幽事致復佳品茶品泉水鄞人曰安之刻長時則史錄固署

高名高實史所使永和訖嘉定論列賴有此我為刻寄公愛

刻入骨髓思晉宋後故條次洎今止倘能吮兔成敢避續貂

警借書似荊州欲錄將曷以徘徊鹿胎山悵然暮煙紫

昨見芝谷句今日過實性寺題於壁

花微含露啞其笑竹亂抽籬穉且狂曲徑幽深詩不屬借人

好句寫禪房

病後將自刻歸留題塾壁

二三學子論文乍造次家書待米回桂老多年愁客折榴花
七月送人開皆壘中剡溪秋漲新添權石屋冬遊定把盃與芝谷約
破壁留題增一帳為曾避暑養疴來

破憲七影詩有引

戴高士名晉字康侯精畫理尚志隱居不娶曹倦圃先生嘗
為之傳沒葬於懷家放鶴洲旁繪有破憲七影圖冊黃葉老
人題七絕句於後弄家久矣乾隆辛丑六月十八日大風海
上來拔木損人廬小軒之櫺坐是破累月不能修是秋適汪
雲壑修撰假歸與春雨訥齋約齋秋白秋勝菊圃諸君醵飲
小軒中徵題賦詩余欲為破憲解嘲也因出高士畫冊觀舉
坐歎賞不置遂以七影為題分七客詠之而余乃全和焉

破憲竹影

衰顏忽倚叅差玉，負舍何來瑣碎金。早被秋風穿老屋，空餘
夜月散寒林。數殘个个分明字，盡見亭亭寂寞心。拳手支頤
偷眼處，不堪留客一沉吟。

昔人評黃全墨竹獨得意於窮莫
間拳手七字用管敏修竹軒句

破窻蕉影

一片雲遮百孔疎，雲衣縷縷碧光虛。紗痕漏月秋陰裏，紙角
鳴風午夢餘。拂檻涼分名士扇，窺簾綠上美人梳。硯田仍白
衫仍薄，相對離披不可書。

破牕松影

歲寒庭卉已凋餘，猶有冷青照敝廬。蟲殼卸來和葉落，龍鱗
活處帶雲虛。聽濤入定風微後，捫腹生疑夢覺初。此樹有心
似相顧，牽蘿補屋計何如。

破窗梅影

如許文離如許枯只宜冷屋伴潛夫羅浮夢轉空諸有環佩
魂來知得無寒陋室中慙玉照橫斜竹外想山孤漫教吹落
隨波去索笑窺檐未有糊

破窓燈影

穿風白屋夜生寒搖檻紅燈暈欲殘半滅半明和壁動宵深
宵淺護書攤佛龕照冷懸光小旅夢吹醒落燼乾剩有箇中
無盡意漫云已破且須完

破窓峯影

挿雲曾仰湖西秀列岫也生硯北霏窳堵亭亭來屋角芙蓉
朶朶上簾衣淡於暖翠浮嵐盡遮到曉風殘月扉未是真山
還不歇看如太古意何微

破窓鶴影

怪底宵深了鳥垂昂然上檻向人窺簾風窸窣搖將舞庭月
婆娑顧自嬉閭苑書遙猜欲到荒洲夢斷賸相隨懷家放雀洲今廢吾
廬獨凍吾甘受明日無糧累汝飢

巖林雅集詩有引

辛丑十月九日余與葉芝谷史危崖三人同遊剡南山之白
龍潭即巖林也芝谷弟子薛軫二生後有近村周君携子擔
酒至飲於林下小菴因取前人剡中詩牕前王謝舊烟霞句
為韻分賦五言古詩各一首其不能者裁三人代焉合錄如
左

梓廬得前字

城南白龍潭潭小蹶泚然萬石轆潭上千樹簪石顛一去餘
十里重来準十年歲辛丑曾游此林指鴨脚轉街楨戴卵圓栗杖童一

手竹兜夫兩肩村入穿村出山背翻山前聲確步愁窘接抄
衣屢牽曳行仄磴過少息團焦便石塊積鐵突苔花連錢圈
樹怒撐石裂藤強縛石懸石立人蹶起石仆獸橫眠石亂點
樗蒲石長走蜿蜒頂石一螺佛罅石一線天樹林近錫名剎
錄古失編怪竒狀莫究攘別事宜先礮石多可伐頑石去乃
妍鑿湏五丁斧驅偕初平鞭商量花竹補點綴亭閣偏移之
蘇與杭游接朝暮趼乞誰萬錢費老我一壑專興賒託渺渺
晷短增拳拳寒林翳景斜落葉紛風旋鴉歸翻何急馬飢鳴
可憐一衲坐打盹不知客去遄

芝谷葉封唐得舊字

昔有白鬚龍夭矯挂巖岫翻身潛一穴爪甲勿復覲何物
驚之起冰雹亂飛走落地化萬石四散如駭獸神鞭不停

催黑夜互奔湊山靈工佈置一一此獻秀不量邛壑小欲
與台蕩鬥遂有碧眼僧依崖結雲構亂石成主賓排衙列
左右至今數間屋猶俯一虛竇我來值孟冬木落山容瘦
竹影拂衣行苔紋學面綯杯盤藉荒草厨釀移相候少長
聯七人烟雲滿雙袖默數幾回遊人老山依舊山鳥都相
識飛飛還余就

危崖史載筆得王字

楚南故多石茲石也莫量吳興石號林茲林復相當昔遊
我亦從今感人云亡

謂丁子端未卒
外使游興焉

且喜冬景霽林壑團幽光

山鳥隱一鳴山花淨小香素素敷續續樹子落井床扱衣
乃羣起搜賸各飛揚或岵嶸峰上或谿谿谷張或穿厂埒
塞或嶺石堂皇或闢澄潭窅或披叢篠荒或臨深色變或

憑高竊長或騎樹以過或梯藤而昂或衣捎輒留或手刺
傷或故谿予于或新術相羊或後先不顧或彼我相妨
或倦則稍偃或仆而且僵見險其有止足爾猶臂攘命豈
鴻毛輕一笑甚垂堂有美得地主修潔具壺觴速宜飲一
斗約各賦一章猗歟夫子筆五言續儲王諒哉吾葉大臭
味夙所詳人生幾知己歡咲復幾場割將塵累盡獲此野
趣償金石有時散斯遊難可忘

危崖代周君作得烟字

一塢三面石雜樹累其間孤僧棲若鳥荒寂稀人煙忽傳
高軒過驚起鹿豕眠竊聞壯游者必歷名山川且勿言五
岳南楚北窮燕諒非培塿界足以曠心顏且勿言滄海桑
槎泛無邊諒非杯杓小足以暢擊觀手握少文圖口吟康

樂篇乘風萬里浪縱轡千仞巔庶幾騁遠目笑揖雲中仙
貌茲數畝山蟻封在大千豈堪愜豪賞顧以枉羣賢鯨生
陳未已夫子曰不然入境無顯晦人情自輕軒即以刻而
論畧可識其端城北子猷橋溪客一舫旋城西安道巖泉
注一滴圓兩地區區耳傳說艷千年安知小壘林勿自今
日傳况乃石磊砢無以樹廻環會心詎在多壺中別有天
須彌與芥子小大本不懸泰山與邱垤一視何擇焉吾意
適其適此理尤之元聞言發深省欲辯乃忘詮願言從之
游聊為具盤飧

芝谷代薛生作得憲字

壘林只尺耳眼未窺山窓先生愛幽討理屐到舊邦追陪
幸奉杖招邀偕涉杠小春爛紅葉翻風快晴江清曠入欣

曠煩紆豁愁腔登嶺勞策蹇叩門靜吠唳奇境洵未有雄
姿孰能降巖高凸礧硤洞古窈崆峒勢離攖峯獨形鬥夾
路雙層起宛壘浪亂落疑奔瀧中斷或若關斜連亦如砭
砭廣橫卧安崖陡俯瞰樹緣斑剝鮮石抱槎枒椿勾稜
衣角破殷谷足音趑掬月失寒泉鳴玉想春淙僧庵小結
草佛座低飄幢青舍冷松照響答幽磬撥我聞永州亭萬
石列榻控石林則在下高見太湖艘各地因人重亦鼎有
筆扛山水經拂拭千載氣勢龐剌人得先生振滯啟愚蠢
林僻開詩社雲深對酒缸後茲風雅擅名興葉柳控苦江切所
慙膺學者立雪徒踳躩何當棄塵滓來此事畊耒夜歸勉
賡韻豪弱寸莛撞

芝谷代章生作得謝字

羣山抱一庵，矮屋依巖架。欣從長者後來游，及閒暇曉露
午猶滴。秋花冬未謝，林響松落子。樹迸石開罅，一穴不藏
龍。龍潭名亦假，崖壁故自奇。攀躋孰能罷，金庭與天姥相
儼不相下。誰似柳州柳，售以四百價。白雲滿空山，更構雲
中樹。

梓廬代周子作得霞字

霜晴快山曉，曉起鵲喳喳。喳喳聲未已，門揖長者車。亂紅
掃階葉，輕碧斟杯茶。願言執鞭去，一牛鳴地斜。愚林富奇
石，森森陰木嘉。貴遠恒賤近，在剡人勿誇。高情入選牒，名
詠各咀華。青山驟聲價，品題十倍加。比玉剖諸璞，如金披
白沙。小把菜挑渚，小隻雞烹家。拾薪煨土芋，炊飯蒸番瓜。
關俗呼紅芋為番瓜野外無供給，尊前一笑譁。詎嫌味澹泊，翻合興幽遐。

冬曦人盡愛春風坐未賒幸哉廁童冠留名辱煙霞

散步

晴夜皎如雪處獨愁無那況於病滿中晚飯不肖餓西巷有
塾師散步聊一過甌茗欣接談篝燈未妨課相送覺久矣霜
氣削顏破滿階涼潑水人影隨一个街樓尚絮語微聲落咳
唾仰視小團團敲扉童則卧

蚤起題鴨腳樹

一樹萬萬葉一朝齊卸地乃知昨夜霜殺氣無聲利

次答史危崖秀才見贈初度之作來詩用東坡生日劉

景文以古畫松鶴為壽詩韻

我身無六尺蟪蛄寄寥廓躑躅羸於豕伶俜瘦於鶴頭白冬
雪侵面黃秋木落日復日如夢歲仍歲開簫作事鮎上竿行

年蛇赴壑算沙勞何益履冰前更却一錢弗留囊九經但束
閣遽知進退非杜嘆情懷惡故交謬推許新詩增惋愕滿百
即幾何過半略如昨得失雞蟲等道遙鵬鷃各十年奚必字
三畝便可託無魚有彈劍有酒須盃爵及夜秉燭遊流光如
電霍

游四明山石屋禪林詩有引

謂四明有二百八十峯固未知誰悉數之也但梅福記稱四
面形勝各有區分道書丹山詠亦四面分述之及考南雷老
人撰山志九卷僅詳東南北三面於西畧焉豈足跡未及歟
余在剡久知此山面西諸峯迤南北五六十里間林壑多佳
處而最勝者曰石屋禪林近僧恒傳所結淨業居士張克昌
所題也乾隆辛丑十月二十四日偕葉秀才之谷出嵎縣城

東渡剡溪再渡棠溪二十五里抵上林村宿居士家居士年六十九矣有內行善氣溢於容所居曰問心居有小亭小池手植卉木皆郁郁有吉祥氣門有古柏可千歲前三年冬夜半村失火火周於居士之廬而不熱人以為為善報居士為余言石屋故無人跡到志稱有耕庵者久廢乾隆八年恒公始自天台清涼寺來獨掩關處昌聞而叩關與語密諦頗相入遂交焉恒能感十方檀施以次就山築礎高下三層前建佛樓中後建佛殿各廣五楹翼以廂又置寮房厨舍一帶於左又鑿石甃級通山出入路積二十餘年而禪林成皆恒之功也一日大雨遣人招昌入山曰必無悞至則恒方浴浴已告昌我一身來一身去惟君知我故相邀今日當訣矣即升榻跌而瞑眾號不已頃乃復開視曰奚溷我為如是可少待其

夕言動如故及晨獨坐恒焉而化寶三十一年五月十六日也初恒謂昌此處可住三十衆及是果符數昌素見恒陽陽如平人不謂其生死際了了如此居士又言此去五里抵山麓有小山曰海螺峰盤其下折而入有澗自峽中西出始沿澗北行三里許過澗南有十丈巖稍上為峽口窄甚又沿澗行四里許峽稍寬兩崖各有梯田馬士英嘗築宅於此將為竄身計山陰王遂東貽之書云吾越是文章節義之鄉非藏垢納汙之地乃不果來今宅犁為田頽垣累累存土人猶稱閣老基君子聞而嗤之以為名山之玷也自此過澗北行則緣崖一綫石齒齒無坦給又三里至龍潭潭在崖下口徑大水盈盈樵者繫石於藤墜之愈墜愈不及底瞰之寒神悄骨不可耐又上稍平處澗瀦為池就飲鑒毛髮水底石皆碧玻

璃色池旁有亭昌所結其上流數疊到池下復懸流十數疊入於潭蓋山行終日水聲中而水聲以亭為最快再上路益陡巖益奇貪瞻則失步顧步則失瞻俛仰恒不給云又三里許諸巖石詭形殊狀益聚而聳且逼不知所由入而禪林在焉禪林西向臨澗兩巖左右插復一巖擁於背阻三面而虛其一礪以外無隙土也自峽口來巒迴澗折一重一掩不知凡幾曲故傍澗入者路未轉則前遮既轉則後合後八九里外睇禪林若懸梁架兩巖間既近轉莫見矣左僻稍前一峯突如困四無屬頂圓平可七八畝產石耳堅如鏤右僻稍下有凸石隄方而長數十丈自內視之如門掩一扇者然所倚三巖皆靈峭翠駁如畫相向咫尺立可翹視不可平視憑樓西眺百里外則太白如檻溪如交練潭如散星城野如錯

繡近山如釜如箕泉自背巖左右出琤琤如鳴玉味極甘坐蒲團酌泉試茗靜觀諸色相身如遺也余曰然則曷以屋名曰有小石厂在禪林側容數人坐無他奇也余曰止是乎居士曰未也背巖之右有微徑從榛莽中盤而上過下上金鐘寺五里餘始達峯之巔峯在西面數十峯中最高亦最銳銳處可畝許金山大勢西為背登此則東南北三面之峯皆出焉下矣問山有豺虎否曰無之曾見山羊大如牛而毛赤意甚馴聞有神馬飲於澗人圍之一躍過巖去有五色蘭恒曾得一本以供佛余曰尚有異乎居士又言曷於山三十年已善几牖牀榻之知其處者若夫幽清荒恠之氣出沒湛顯之狀離色遁形風雨乖合昕夕講變為喜為愕至者自領之曷有舌不能言也三人相顧笑次日入山一步一仰視又次日出

山一步一回視益信居士所言與所不能言者皆不謬宿禪
林之夕與居士卧談禪至夜半聞風聲如虎乃不覺畏彌覺
清也余念禪林自始事闕今未有述故次居士言綴詩首且
當記居士乃不為文字禪者故無詩

一徑穿山腋一樓架巖罅三朶五朶簇七曲八曲饒讓左右
忽歛斷後前仍邀瞥喜闢石懸却怖窪阮喙黑入澗草掛翠
分崖竹搖鼠延踵各曳猱升手轉招欲踣峯乃隔就掬泉乃
飄石固圓自脫石稜孤則標西方聖西南三屏翠摩霄屋後
開闢有林費歲月料我來僧事具僧寂我心憫上方了何見
噉然瞑呼樵猛風挾猛虎深省發深宵入夢還顛倒顛倒山
之條

楚谷云力
近東野

同梓廬先生宿張居士宅

葉封唐

牆外見遠山徙倚池上亭亭虛送日落疎木透繁星改席
敷小軒一鐙風搖青主人謹事佛勸客仍葷腥他年話從
頭此地余再經曩懷間何闊新懽醉冥冥幸陪文章伯更
親鸞鶴形案頭天竺書夢覺梅檀馨

入山小憩龍潭作

葉封唐

青山結靈境造物逾巧匠白雲引幽步路轉出雲上回瞻
記九鎖前睇更重閭奇峯銳於錐邃谷深如盎山交澗窞
束亭出山退讓千泉共一響萬石各一狀珽駁苔蘚牢嵌
空洞穴亮龍潭貯天影潭碧如春釀僧屋乍隱現客頭頻
俯仰力疲步小駐地窄心彌曠便想出山時林巒異背向
一一目送迎定復成新樣

宿石屋禪林作

葉封唐

佛處坐山凹三面峯陡絕左如馬首昂右似駝峰突背負
白額虎額高蹠削鐵一面蹴凌虛天光補山缺樓前合雙
澗澗邊挿萬笏石屋濕生雲石泉白疑月峽訝巨靈分書
或靈威竊騰身出千仞路記刀環折山門逼天門語笑敲
能徹燭上羣動息斜光漏深樾不知風聲猛祇道千崖裂
清禪合幽興擁被猶細說

我歸行示三子

辛丑冬作

我自剡歸拂雪帽迎門兒立身長俱大兒過頸次有及阿虎
最小奔如駒上堂拜母婦携女偕至呼婢鷹者奴謂我生日
羈中孤欲補卮酒為我娛我生五十浮雲徂行已無聞言增
吁勿述三世雙髻趨曾大父年九十餘先型舊德恒詔予未
能聰聰聽其麓大父賁志文藻殊哉先太史亟稱諸

大父新隲先生十四上

詩為先竹垞太史公所最賞因言於沈山子先生以女許焉

壽未週甲我甫晬喜我不啼從乳雛至

今披橐流淚珠我大母孝宗黨年七十為婦躬洗滌我自踰冠兩世殂天樂漸減人事拘憶我鍵坐藤花居冥搜遐討窮朝哺思獵經史咀膏腴上追著作之先儒秋風一薦慚區區歲荒命蹇饑來驅不殖而落初願辜痛哉我父生拮据拮据力養三紀逾平生萬行厚有餘考行人言厥字符無尊無賤無親疎謂見叔度鄙吝祛治河治賊經國需為人必忠曾氏徒至和而介嚴錙銖千金聘却千里途我初應舉馳

皇都目輕世事神睢盱六上春官六予罷少壯意氣銷歸鳥其間奔走跡難數水萍風絮吾非吾吳頭楚尾歷郡七江淮楊海松常蘇東登泰岱西過華西至於幽程崎嶇十三州府河南北所未得到汝一隅其歲在巳枉瀾翰非河伯仁吾其

魚大東小東亦屢矣側身郅魯懷唐虞蘇門之山津門沽殘
杯冷炙無處無挾策傍人儕史胥如豚入筮禽入筭親舍違
予子舍虛往往登臨慨慷呼痛兮尤痛戊冬初我從從兄官
幽墟我孽自作天不誅奔我父喪肝腸屠五千里號風雪衢
風淚雪血雙皆枯我無伯叔兄善病每念門戶我心痛一官
博士聊竊糈剡山青青剡水紆耽山樂水安檣榆忽徵校書
來西湖縱觀載籍誠可快謬登薦簡非所圖

彤廷引

見昇以縣親民官重心悞悞注吏部選官便除接家人書驚
還瞿假歸省母母病痛支撐一世真艱劬今雖家食貧無襦
百年幸得春暉舒竹新荷碧花絳跼小庭風暖孫肩扶怡情
散蠶頰姁姁美膳苦藥常吟咀我敢稱老白却鬚腹鳴禹病

鳴如姑不能忘刺尋鷗鳬鹿胎山樵嶠浦漁逢人不擇相依
於賣文得錢薪水湏行就木矣何歛歔我觀三子非充閭廉
也稍點和也愚器淺受少其依乎天生汝幸五官具具五官
開且讀書且磨破硯守破廬三百年来南門朱勿餒其鬼慰
吾姑喫人之虧務已務舍此而外無良謨此是我家秘密藏
三無漏學一言如兒子聽我莫我迂兒兮牆上難為趨歎罷
懣懣有以夫

書元暢樓壁

以下壬寅

前家令曾留八詠元學士來題一篇如此江山良不惡

趙魏公句

春風秋月自年年

瞿晴江云春風秋月佳在別處移不去

霽夜與阿廉聯句

礎水痕就燥簷星光猶濕梓廬帷穿獨螢遲壁叫亂蟲急廉

擺草風影來滴蕉露聲入梓廬新浴膚汗收深坐夜涼襲
黑驚飛鼠翻梓廬細獸浮塵吸麝元微之有浮塵子詩吮毫五字成閣枕
三更及梓廬

有以納涼圖索詩者戲題予之

四株高柳樹一棚扁豆花納涼其間者一趺二立一眠樹而
偃斜既解衣以磅礴科頭赤腳以徜徉焉用此鎮締綰似半
臂子似衲襠光塵既和同亦復何嫌猜一絲不挂乃是真解
脫袒裼裸裎何別哉吾正欲放癡放顛盡破伯夷監顏與君
輩進一解苦隘切

蔣弁長既罷以別竹夫人詩見示索題

自後棄置半牀孤消盡雄心燃盡鬚無限秋風惆悵事一齊
交付與青奴

閱世

閱世如棋歲歲新漫云是果莫非因盧仝馬異交徒結李四
張三認未真鼠欲飲河寧量已鳥猶擇木可憐人誰知淺水
蘆花裡不怕風吹有釣輪

述老懷居二首客發作

頗知老去要顛狂可奈微歡事事妨書欲忘名人忘姓眼如
生霧髮生霜貪游偏軟尋山脚怯飲難撐載酒腸不及芙蓉
故園色在入花底坐思量

值十月初
度接家書

移居前歲誅茅乍學圃今年種菜多蕭寺雅宜聽粥鼓范湖
劣可曬漁蓑故交閒淡稍來集野興清深不啻過一角沈樓
孤客夢柴門空閑鎖松蘿

於友人齋飲罷重過七寶寺分韻得聞字癸卯

春陰帶殘醉晚步隨閒雲背城寺寂寂繞舍渠云云風微酒
醒入香妙心清聞門犬迎豈識檻魚食曾分竹新冒貓頭松
故拏龍筋散矚餘野意小忝隔世紛題榜非昨歲拈鬚復今
羣迹陳一彈指俯仰其何云聊誦達者言即事多所欣曾有
房一聯云但登閣看山
常住偶報客來茶正香

寄樓子上層方子元鷗各一首

貌似野人骨萬卷學為先輩肩一燈會凌絕頂窮千里脚踏
要徒實地升右寄樓

海蜃青紅筆底浮一番霜燥奈清秋多應酒力勝茶力散却
不平毛孔收右寄方方
善飲故云

追題後齋後牀持硯圖有引

叔平生以善書名而圖中硯非學書之為也牀有孫慧而天

悲不釋乃寫己形坐持一硯旁貌厥孫執一環以侍硯者念也環者還也蓋度語念釋在茲直冀其還生耳乾隆乙巳夏叔既歿弟輩慮久而失作圖意也俾余題一詩志之
三界輪迴事有之未須讀畫咲空思却愁羊祜尋環日已是
范喬哭硯時

跋

表對朱梓廬先生既自定壺山吟藁并附錄付刊諸表弟復搜得舊詩百餘首呈先生點勘時先生卧病方劇謂諸弟曰此須細改乃可存我今這臭皮囊便欲棄去何暇惜此為置之可耳適余過詒安堂諸弟出以示余余讀先生少壯詩古體奇橫不拘於方近體語多清新如南湖書舍云窻落風帆影床通水鳥呼夜行云荒沙明閃雪細路曲

盤絲客舍云慈母縫衣身上線癡兒索飯夢中敲酒樓懷
太白云先達非無宋宣撫微時早識郭汾陽潼關云黃河
折角水白嶽束腰雲永壽道中云川原古豳國風雪小涼
州鑄鼎原云鰲戴一峰圓拔地螺盤千仞曲通天剡溪云
斜日紅歌半帆面平雲青閣數峰頭又云紅葉稠時山色
喜白鷗眠處草情芳學舍遣懷云因病早衰敢稱老為貧
卑仕不成官落花云春來春去留雙眼多病多愁老一身
暑夜云隔衣深刺蚊何毒掠案橫行鼠太驕臨安懷古云
酒飛不灑黃龍府濤怒空翻白馬江西湖云怕問橋名郎
信斷愁看山影妾身孤新構小軒云自愛蕪隅方角柱未
辜風月直櫺牕七里瀧云山戴帽時滿瀧雨帆張弓去一
灣風又云星垣無屬孤名客江水幾時避姓嚴皆力開生

面朕去故常雖未經先生手改其中配合聲韻未盡如晚
律之細而以入前人主客圖實琅琅可誦用就愚見摘數
聯書所刻彙後聊存其槩諒先生不以余為多事也表姪
吳寧識

拙彙自戊午鐫後間復校改字句
辛酉始刊正故前今印本有不同
虔謹著之以質大雅休度

跋

歲乙未蟠年十七見先生於杭州書局先生首以讀書敦行為勗且曰詩文雖小技非深入甲裏不能工也蟠退而謹誌之已而先生友教四方已酉秋官於塞外閱七年以疾歸先生方開戶養疴蟠以授徒外邑音塵間隔今年春當事開志局於郡中延先生纂輯而蟠亦携席硯至得朝夕相待飲聞緒論適先生吟藁刻竣受而讀之自己酉至丙辰皆官遊之作其歸里後及舊日存稿間附一二先生喜盤硬語不蹈龍前人一字而閔閔有恤人之心時溢於言外雖元道州韋左司不是過也至於晚律之細雲陸孝廉列之為表少作之清新榕園上舍摘之為圖蟠不敏何敢復贅一辭哉惟是二十年来獨學無友於詩古文詞未窺涯涘既請先生之詩而卒

跋

業馬庶幾得以津逮也已未七月受業楊蟠

上